

第十二册

援證六下

職官傳

新修長蘆鹽法志

長蘆鹽法志附編

援證六下

歷代職官傳

晉

度支尚書

杜預字元凱京兆杜陵人博學多通明於興廢之道泰始中守河南尹凡所施論務崇大體受詔為黜陟之課除秦州刺史朝廷皆以預明於籌畧詔定計省闡俄拜度支尚書乃奏立籍田定穀價較鹽運制課調在內七年損益萬



幾朝野稱美。伐吳既平，振旅凱入，以功進爵當陽縣侯，都督荊州。化被萬里，公私同利，衆庶賴之。號曰杜父。卒，武帝甚嗟悼，進贈征南大將軍，開府儀同三司，諡曰成。

唐

檢責鹽鐵

姜師度 強循

諸道鹽鐵使

劉晏，字士安，南華人。七歲舉神童，授秘書省正字。寶應二年，遷吏部尚書平章事，領度支鹽鐵轉運租庸使。至德初，

第五琦於諸道榷鹽，及晏代其任，法益精密，官無遺利。初歲入錢六十萬貫，季年所入逾十倍，而人無厭苦。大歷末，通計一歲徵賦所入總一千二百萬貫，而鹽利且過半。朝廷獲美利，天下無甚貴賤之憂，軍國之用皆仰於晏。穆寧。

第五琦，字禹珪，長安人。天寶初為錄事參軍，奏事得謁，見拜監察御史，尋加山南等五道度支使，遷司金郎中兼御史中丞使如故。創立鹽法，就山海井竈收榷其鹽，官置吏出糶其舊業戶，並浮入，願為業者免其雜徭。隸鹽鐵使，盜

煮私市罪有差人不益稅而上用以饒遷戶部侍郎兼御史中丞與判度支領河南等道度支都勾當轉運租庸鹽鐵鑄錢等使加同中書門下平章事贈太子少保

包佶 元琇 韓滉 李竦 竇參 張滂 李衡 王

緯 程异 皇甫鏞 李若初 李錡 杜佑

李巽字令叔趙州贊皇人以明經補華州參軍事舉拔萃授鄆尉順宗立擢兵部侍郎杜佑表為鹽鐵轉運副使俄代佑自劉晏後職廢不振賦入朘耗巽莅職一年較所入如晏最多之年明年過之又明年增百八十萬緡再遷吏

部尚書程异坐王叔文廢巽特薦引之异之計較精於巽故巽能善職蓋有助云贈尚書僕射

盧坦 李鄴 王播 柳公綽 王涯 令狐楚 李石

楊嗣復 崔珙 薛元賞 馬植 崔瓘 盧宏正

裴休 柳仲郢 夏侯孜 趙隱 徐商 杜棕 于琮

劉鄴 徐彥昭 裴坦 高駢 韋昭度 孔緯 朱

玟 杜讓能 崔昭緯 徐彥若 崔允 裴樞 柳璨

鹽鐵副使

王叔文 李巽 潘孟陽 程异 王播

鹽鐵判官

王紹 劉禹錫 姚勗 張文蔚

鹽鐵巡官

盧程

五代

諸道鹽鐵使

韓建 薛貽矩 趙光逢 任圜 孔謙 李崧 馮道

鹽鐵判官

張儁 邊蔚 薛居正 馮玉 顏衍

榷鹽使

王景遇

鹽鐵推官

張澹 高防

宋

鹽鐵使

陳恕字仲言洪州南昌人少為縣吏折節讀書太平興國二年進士判吏部選事拜鹽鐵使恕有心計釐去宿弊太宗深器之親題殿柱曰真鹽鐵陳恕淳化四年太宗從魏

羽段惟一之請分三司為十道置左右計使召恕為工部侍郎充總計使判左右計事左右計使分判十道事凡議論計度並令恕等參預恕極言其非使歲餘果罷復以恕為鹽鐵使贈吏部尚書

張平 張遜 魏羽 劉保勳 張雍 王嗣宗 任布

王沿

鹽鐵副使

陳象輿 雷有終 宋太初 謝泌 朱台符 陳貫
卞袞 丁謂 劉鍇 林特 林澁 趙稹 王駿 蔣

堂 張若谷 高覲 李迪 李昭述 鞠泳 司馬池

王鼎 陳炎 楊曰巖

魚周詢字裕之開封雍邱人舉進士為三司鹽鐵副使徙河北都轉運使拜右諫議大夫權御史中丞慶歷八年手詔近臣訪天下之務周詢對曰官立鹽禁驅民齎輦蕩析恒產怨咨盈路速宜經度以紓匱乏願委安撫使與本路守邊掌計臣僚同議使通鹽商之利改錢幣之法宣布德澤與民休息執政及近臣所對多疎闊仁宗頗嘉周詢詳敏

張錫 張盥之 劉元瑜 劉湜 仲簡 李參 郭申
 錫 范師道 楊佐 吳充 王舉元 王克臣 李壽
 朋 李復圭 潘夙 沈起 傅堯俞

鹽鐵判官

劉蒙叟 樊知古 陳若拙 張觀 李若拙 韓國華
 索湘字巨川 滄州鹽山人 開寶六年進士 釋褐鄆州司理
 參軍 轉運使和峴薦其能 遷太僕寺丞 充度支巡官 改太
 子右贊善大夫 轉殿中丞 充推官 拜監察御史 九年 河決
 命與戶部推官元玘同按行 會詔下東封 與劉蟠同知泰

山路轉運事 又為河北轉運副使 湘經度供餽 以能幹聞
 事 集加屯田員外郎 雍熙中 召為鹽鐵判官 改駕部員外
 郎 端拱二年 河北治方田 命副樊知古為招置營田使 會
 議罷復為河北轉運使 轉虞部郎中 選為將作少監 有訟
 其擅易運絲以自用者 坐授膳部員外郎 知相州 時有羣
 盜聚西山下 掩擊而盡擒之 詔復舊官 命為河東轉運使
 真宗即位 入為右諫議大夫 復充河北轉運使 會言馬者
 請許榷場商旅以茶藥等物 販易於北界 北界商旅許於
 雄霸州市易 資其貿遷 庶息邊患 詔湘詳議以聞 乃上言

曰。北邊自興置榷場。商旅輻輳。制置深得其宜。今若許其交相販易。則沿邊商人深入戎界。竊為非便。又北界商人若至雄霸。其中或雜姦偽。何由辨明。况邊民易動難安。望且仍舊為便。湘少文而長於吏事。歷邊郡所至。必廣儲蓄。為備豫計。出入軍旅間。頗著能名。先是邊州置榷場互市。而自京輦物貨以充之。其中茶茗最為煩擾。復道遠多損。敗湘建議。請許商賈緣江載茶詣邊郡。入中既免。道途之耗。復有征算之益。又威虜靜戎軍歲燒緣邊草地。以虞南牧言事者。又請於北砦山麓中。興置銀冶。湘以為召寇亦

奏罷之。咸平二年。入為戶部使。受詔定三司編敕。坐與王扶交相請託。擅易板籍。責授將作少監。三年。出知許州。徙荆南。復為右諫議大夫。知廣州。

雷有終 范正辭 張雍 石中立 魏羽 陳省華
宋濤 王彬

寇準。淳化初。旱蝗。召羣臣問以得失。眾以天數對。準曰。洪範。天人之際。應若影響。蓋刑有不平所致也。是時祖吉。王淮。皆侮法受賕。吉伏誅。淮以兄參政。汚減死。止受杖。故準有是論。又準嘗奏事不合。帝怒起。準輒引帝衣。復坐。事決。

乃退咸和六年以準為三司使三司謂鹽鐵度支戶部也
政有條理使民無壅遏輿論戴之

薛顏 張東 鄭向 李防 王子興 陳貫 王濟

周渭 戚綸 李紘 呂居簡 任中行 寇瑛 陳執

中 李虞卿 盛度 石揚休 高覲 李迪 李東之

王子融 劉平 榮謹 李昭邁 張子憲 葉清臣

鞠泳 王鼎 周湛 雷簡夫 沈邈 蘇紳 張錫

方偕 劉湜 王琪 王拱辰 呂大防 楊大雅

任顓 楊佐 王珪 朱壽隆 滕元發 楚建中 韓

忠彥

鹽鐵勾院

張雍 謝泌 任中行 石揚休 李仕衡 葉清臣

周湛 楊察 夏安期 齊廓 賈黯 韓宗彥 張錫

河北都轉運使

李紘 李仕衡 李東之 胡則 韓崇訓 李昭述

王鼎 施昌言 陳希亮 陳升之

呂公弼字寶臣壽州人夷簡子登進士積遷直史館河北
轉運使自寶元慶歷以來宿師備邊民疲餽餉公弼始通

御河漕粟實塞下冶鐵以助經費移近邊屯兵就食京東增城卒給版築蠲冗賦及民逋數百萬仁宗問知公弼名識於殿柱至是益材其為擢都轉運使加龍圖閣直學士知瀛州常奏事退帝目送之謂宰相曰公弼甚似其父英宗罷三司使召公弼代之拜樞密副使贈太尉諡惠穆包拯字希仁進士除大理評事歷三司戶部判官徙河北三司戶部副使都轉運使請去刻薄抑僥倖正刑明禁戒興作禁妖妄朝廷多施行之初解州鹽法率病民拯往經度之請一切通商販多惠政除龍圖閣學士開封府尹有

奏議十五卷諡孝肅

趙抃 唐介

歐陽脩幼孤稟母教擢甲科知諫院著朋黨論言事切直奉使河東時西方用兵議者欲廢麟州以省餽餉脩建言麟州天險廢之則河內郡縣不安不若分兵駐河內諸堡緩急可恃而平時可省轉輸於策為便凡河東賦斂過重民所不堪者悉奏罷之除龍圖閣直學士兼河北都轉運使簡易循理不求赫赫名熙寧四年以太子少師致仕諡曰文忠

張盥之 彭思永 李參 王居卿 周沆 王舉元
顧臨 蹇周輔 韓贄 許畿 梁子美 陳邁

河北轉運使

王賓 張去華 王嗣宗 索湘 裴莊 田京 王欽
若 寇斌 高覲 韓億 李昭述 王沿 鄭驤 魚

周詢

燕度字唐卿燕肅子登進士皇祐甲午權河北轉運副使
度有心計凡六佐大農慶歷中三司請權河北鹽度言川
陝不榷酒河北不禁鹽此祖宗順民俗不易之制也榷之

非是會張平叔亦論之議遂寢

呂公弼 張存 張錫 張孜 史作莫州貝州瀛州三州轉運使 錢象先

劉庠 張問 劉瑾 潘夙 陳邁

范子奇字中濟河南人范忠所孫階祖蔭僉書并州判官
歷河東陝西河北京東四路轉運使工部左司二郎中加
直龍圖閣使河北諸郡猶榷鹽奏罷之入為吏部侍郎以
待制致仕

河北轉運副使

索湘 田錫 劉綜 陳炎 范祥 孫覽 呂大防

蔣之奇

河北轉運判官

王廣 李南公

河北鹽稅司

周革

遼

榷鹽制置使

張藏英。涿州范陽人。唐末契丹用為蘆臺軍使。兼榷鹽制置使。領坊州刺史。周廣順三年。率內外親屬。並所部兵千

金

餘人。及煮鹽戶長幼七千餘口。牛馬萬計。舟數百艘。航海歸周。宋初遷瀛州團練使。按藏英終為宋臣。而為蘆臺榷鹽使時。則遼也。

燕京路都轉運使

按燕京於貞元元年改為中都府。曰大興。

劉麟

中都路都轉運使

左淵

王蔚。字叔文。香河人。皇統二年進士。由郎中任。歷官尚書右丞。

劉樞字居中三河人天眷二年進士

張亨字彥通灤陰人皇統六年進士

馬琪字德玉寶坻人正隆五年進士由戶部侍郎任歷官

參知政事

鄧儼字子威宜民人天德三年進士

孫鐸字振之歷亭人大定十三年進士泰和中再任歷官

參知政事太子太師

張巖叟字孟弼五臺人大定十九年進士後又為河北東

西大名等路按察轉運副使按泰和八年詔諸路按察使兼轉運使

高汝礪字巖夫金城人大定十九年進士歷官尚書右丞封壽國公

孟奎字元秀遼陽人大定二十一年進士

郭侯字伯有潭州人大定二十二年進士

武都字文伯東勝州人大定二十二年進士

任天寵字清叔定陶人明昌二年進士歷官戶部尚書謚

純肅

同知中都路都轉運使

梁肅字奉容奉聖州人天眷二年擢進士大定三年除河

北東路轉運副使。是時兵食不足。詔肅措置沿邊兵食。移牒肇州。北京廣寧鹽場。許民以米易鹽。兵民皆得其利。七年。遷中都都轉運使。轉吏部尚書。久之。為濟南尹。致仕。諡

正憲。

王震。奚頤。舒穆魯。史舊作石抹。今遵。欽定語解。改正。

宋宸。宛平人。正隆五年進士。

中都路都轉運副使。

魏子平。字仲均。宏州人。進士。

張九思。字全行。錦州人。歷官工部尚書。

伊喇道。歷官平章政事。封莘國公。史舊作移刺道。今遵。欽定語解。改正。

李滌。

李偲。字子友。安喜人。天眷二年進士。

劉兢。

李愈。字景韓。正平人。正隆五年。詞賦進士。由解州刺史任

中都路鹽鐵判官。

趙嵩。

河北東路轉運使。

劉敏行。平州人。天會三年進士。由肥鄉令任

季京

高錫字永之以蔭補官累遷河北東路按察轉運使

同知河北東路轉運使

梁肅

河北東路轉運副使

烏庫哩仲溫蓋州人大定二十五年進士史舊作烏古論仲溫今遵

欽定語解改正

滄州鹽副使

趙重福字履祥豐州人同知陳州防禦事改滄州鹽副使

歲饑民煮鹵為鹽賣以給食鹽官往往杖殺之重福曰寧

使課殿不忍殺人歲滿課殿當降尚書右丞完顏匡三司

使按春史舊作按出虎今遵知其事乃以歲荒薄其罰除

織染署令遷河東北路轉運使致仕

元

兼諸路轉運使

阿哈瑪特史舊作阿合馬今遵
欽定語解改正

河間路都轉運使

張庸

倪德政。至元二年。以中書省左右司郎中。為禮部侍郎。兼司驂職。善績上聞。遷中都路都轉運使。

趙師魯。字希顏。霸州文安人。致和初。參議樞密院事。天歷中。兵部侍郎。久之。出為河間路轉運鹽使。除害興利。法度修飭。絕巡察之奸。省州縣廚傳贈遺之費。竈戶商人。無不便。歲課遂大增。贈禮部尚書。天水郡侯。諡文清。

高謙。磁州人。釋褐後。官將仕佐郎。歷轉河間都轉運鹽使。常州湖州路總管。致仕。所纂有格例百餘冊。

同知轉運使事

答木丁

副使

王進 崔鶚

高源。字仲淵。晉州人。河間等路都轉運副使。撫治有條。竈戶逃者皆復業。常賦外。羨餘幾十萬緡。歷官同知湖南道宣慰司事。

鹽判

張仲智 李士珍 李昭

河間路都轉運鹽司經歷

王榮

謝讓字仲和潁川人幼穎悟好學及壯推擇為吏調河間等路都轉運鹽司經歷先是竈戶在軍籍者悉除其名以丁多寡為額輸鹽其後多顧舊戶代為煮鹽而顧錢甚薄讓言軍戶既落籍為民當與舊竈戶均役既令代役豈宜復薄其傭使重困乎自今顧人必厚與直先是逃亡戶率令見戶包納其鹽由是豪強者以計免而貧弱愈困讓令驗物力多寡比次甲乙以均之擢南臺御史歷官陝西行省參知政事追封陳留郡公諡憲穆

鹽使

曹巖臣

寶坻鹽使作崔岩臣

趙孟灝

趙鑄

見興寶廟碑

管勾

李伯俊

劉甫

見興寶廟碑按元史百官志每場設司令司丞無管勾之官考徐世隆越支場碑謂

金特除管勾一員元初蓋沿金制也

明

巡鹽御史

按明初皆以部院巡鹽永樂十三年始以御史彈壓不專設

于謙字廷益錢塘人永樂辛丑進士於宣德初授御史時鹽政廢弛命謙率錦衣官校捕長蘆一帶馬船夾帶私鹽

者謙不避權勢。悉寘之法。鹽政為之一清。歷官兵部尚書。宏治二年。贈太傅。諡肅愍。萬歷中。改諡忠肅。

何文淵。正統元年。以侍郎兼任。

王佐。正統元年。以侍郎兼任。

朱與言。正統元年。以副都御史偕中官御史。提督兩淮。長蘆兩浙鹽課。兼任。未幾。召還。仍差御史。

丁澄。字本清。吳興人。進士。正統十一年。任。兼理山東鹽法。

按正統十一年。長蘆巡鹽御史始兼理山東鹽法。

耿九疇。字禹範。盧氏人。永樂末進士。宣德六年。授禮科給

事中。正統初。大臣言兩淮鹽政久壞。於是推擇為鹽運司

同知。痛革宿弊。條奏五事。著為令。母喪去官。場民數千人

詣闕乞留。十年。正月起。為都轉運使。節儉無他好。廉名益

振。留為刑部右侍郎。屢辨疑獄。無所撓屈。兩淮自九疇去

後。鹽政復弛。景泰元年。仍命兼理。四年。乃轉右副都御史。

上疏陳事。皆嘉納。改南京刑部尚書。卒。諡清惠。按明史。耿九疇以部

院巡鹽。無專巡長蘆事。今據舊志載入。以後景泰七年內。舊志皆闕。

俞璟。字子玉。福清人。景泰甲戌進士。天順三年。任。

婁芳。字永譽。會稽人。天順庚辰進士。成化元年。任。

潘瑄字廷璽洛陽人天順庚辰進士成化二年任
阮玘字廷用安福人天順甲申進士成化三年任
傅實字汝秀豐城人天順甲申進士成化四年任
林誠字貴實莆田人天順甲申進士成化五年巡長蘆鹽
疏言深州海盈等十三場陸路寫遠商人不支鹽課鹽觔
堆積年久消折請以二大引分為四小引議價折布解庫
是為邊布之始

婁謙字克讓上饒人成化丙戌進士成化六年任歷官布
政使

張誥字汝欽華亭人成化丙戌進士成化七年任
林符字朝信吳縣人成化丙戌進士成化八年任歷官都
御史

劉喬字述憲萬安人成化丙戌進士成化九年任
張曉字光曙三原人成化丙戌進士成化十年任
謝顯字時榮會稽人成化己丑進士成化十一年任遷副
使

王錦字尚綱襄城人成化己丑進士成化十二年任
徐謙字伯亨太康人成化己丑進士成化十三年任

王輔字良弼同州人成化壬辰進士成化十六年任

趙英字儲秀蘭州人成化壬辰進士成化十七年任

謝文字道顯金州人成化戊戌進士成化十八年任

錢承德字世恒常熟人成化乙未進士成化二十年任歷

官布政使

史瑛字廷珍稷山人成化戊戌進士成化二十一年任

黃澗字敦實龍溪人成化壬辰進士成化二十二年任

學題名碑錄作黃熒

按

李煜字文暉閩縣人成化壬辰進士成化二十三年任

葛萱字光庭高郵人成化戊戌進士宏治元年任

李嗣字宗述南海人景泰甲戌進士宏治元年以戶部侍

郎兼理

馬良玉字德純成都衛籍成化辛丑進士宏治二年任

韓福字德夫西安衛籍成化辛丑進士宏治三年任歷官

都御史

程文字載道確山人成化辛丑進士宏治四年任歷官太

常寺卿

曾祿字汝學博羅人成化辛丑進士宏治五年任遷副使

張黻字廷儀陽城人。成化甲辰進士。宏治六年任。遷副使。
 邵蕃字文盛餘姚人。成化甲辰進士。宏治七年任。遷副使。
 陳策字廷獻武陵人。成化丁未進士。宏治八年任。
 胡華字惟峻武進人。成化丁未進士。宏治九年任。歷官布政使。

高崇熙字文明石州人。宏治庚戌進士。宏治十年任。歷官都御史。

劉弼字直之安陽人。宏治癸丑進士。宏治十一年任。
 陳玉字德輝輝縣人。宏治癸丑進士。宏治十二年任。遷僉

事。按太學題名碑錄作高郵人。

姜實字若虛蒲城人。宏治庚戌進士。宏治十四年任。遷僉事。

王璟字廷采沂州人。成化壬辰進士。宏治十四年。以右僉都御史巡長蘆鹽條陳鹽法時論善之。
按明史璟本傳及食貨志不載其理

長蘆鹽政。今仍舊志及畿輔通志存之。

楊滋字天澤定興人。宏治庚戌進士。宏治十五年任。遷僉事。

王凱字文相蠡縣人。宏治庚戌進士。宏治十六年任。遷參

政

秦銳字克進會稽人宏治庚戌進士宏治十八年任遷副使

邵清字希抃江寧人進士正德元年任

涂正字賓賢新淦人宏治己未進士正德二年任

王瓊字德華太原人成化甲辰進士正德二年以僉都御

史巡長蘆鹽條陳鹽法數事歷官兵部尚書按明史本傳王瓊正德元年

擢右副都御史明年入為戶部右侍郎不著巡長蘆鹽事今仍舊志及畿輔通志存之

宇文鍾字伯秀乾州人宏治壬戌進士正德三年任

盛鵬字萬里祥符人舉人正德四年任

崔哲字晦夫杞縣人宏治己未進士正德五年任

高公韶字太和內江人宏治乙丑進士正德六年任歷官

副都御史

于鏊字器之儀徵人正德戊戌進士正德七年任歷官按

察使

徐讚字朝儀永康人宏治乙丑進士正德八年任歷官工

部侍郎

余珊字德輝桐城人正德戊辰進士授行人擢御史九年

巡長蘆鹽發中官奸利事為所誣械繫詔獄謫安陸判官
移知澧州世宗立擢江西僉事討平梅花崗賊遷四川副
使備兵威茂嘉靖四年應詔陳十漸疏反覆萬四千言終
四川按察使

陳軾字子敬應城人宏治乙丑進士正德十年任歷官戶
部侍郎

萬鎡字仕時進賢人正德戊辰進士正德十一年任

吳閻字朝言武進人正德辛未進士正德十二年任

王完字仲脩遂寧人進士正德十三年任舊志不載今據山東舊志補入

藍章即墨人成化甲辰進士正德十三年以刑部侍郎兼
僉都御史整理

陳堯宅字即卿餘姚人正德甲戌進士十四年巡長蘆鹽
以商鹽賣畢或退引不銷往來影射致官鹽不行請於告
掣之時繳銷舊引始給新引水程查比店戶以絕私販由
是官鹽大行歷官副都御史

范永鑿字汝和桂陽人正德甲戌進士正德十五年任歷
官布政使

鄭光琬字世潤莆田人正德丁卯舉人正德十六年任遷

參議

盧瓊字獻卿浮梁人正德辛未進士嘉靖元年任

景重光字文華偃師人正德辛巳進士嘉靖二年任遷僉事

鄧顯麒字文瑞奉新人正德甲戌進士嘉靖三年任遷僉事

高世魁字紹甫閩縣人正德辛巳進士嘉靖四年任

陳大器字國成潮陽人正德丁丑進士嘉靖五年任

魏有本字伯深餘姚人正德辛巳進士嘉靖六年任

王舜耕字于田常熟人正德丁丑進士嘉靖七年巡長蘆

鹽疏稱蘆鹽行順天衛輝等十府保安隆慶諸州東鹽行

濟南等六府徐宿二州近蘆鹽止行於順天大名衛輝三

府東鹽止行於兗州東昌二府徐宿二州其餘州縣官鹽

一引不用商人水程一張不領蓋興販滿道煎燒蔽野也

請令各州縣選有基業行止人戶充當店家鋪行冊報巡

鹽衙門轉行各運司按季驗數查撥商引赴所在官司告

撥各鋪依時價變賣每季終將賣過數目備開查考果有

著實舉行指實旌獎或虛文搪塞參提問罪則官鹽自疏

私鹽不待禁而自絕。又言竈丁日夜煎辦鹽課。終歲勤勞。比之百姓困苦尤甚。近來有司往往有民竈之分。不肯概加賑恤。以致流離逃竄者多。今年三月內。據長蘆運司開報極貧應賑竈丁四千餘人。在倉粟穀止一百餘石。適臣巡歷其地。各竈遮道叫號。情實可憫。臣行令運司量行轉給銀米外。臣思長蘆山東地方。見被災傷。若不先期預備。誠恐粟穀有限。貧竈無窮。臨時不免無措。查通州見貯臣巡鹽衙門三分鹽牙行銀三千六十兩。有零。合無於內解長蘆運司五百兩。解山東運司五百兩。著令趁時糴穀收

候青黃不接之際。賑恤貧竈。其餘剩銀兩。仍留通州貯庫。以備緩急之用。

傅炯字朝晉。進賢人。嘉靖癸未進士。八年巡長蘆鹽。疏言。每鹽一引。例帶耗二百五觔。近來寬恤商人。連包索以二百五十觔為正數。此外餘鹽。逐觔納價。仍問以夾帶罪名。立法未為不密。但商人貪利築鹽。一包或至五百觔。或至六七百觔者。奸竈惟知多賣。商人惟知夾帶。遂使節年引目。經久不完。請自後支鹽出場。每包正餘有過四百觔者。除問罪外。將夾帶餘鹽。盡數入官。又疏言。青州分司屬之

濟民等四場商人實難支掣請將本色盡行折價每引折銀一錢商竈使之

詹寬字仁量莆田人正德辛巳進士嘉靖九年任

王德溢字懋中連江人嘉靖丙戌進士嘉靖十年任

黃臣益都人進士嘉靖十年以副都御史兼理

王紳字子書滄州人進士以僉都御史兼理舊志在黃臣後不著年月

阮徽字崇節安福人舉人嘉靖十一年任阮按山東舊志作

鄧直卿字正與南海人嘉靖丙戌進士十二年巡長蘆鹽

以各場竈灘草場界限不明豪強越界侵耕遂使煎辦無

資課額多累奏照宏治元年例委運司會同府佐正官清

查還官築立界限分撥竈民管業如有侵占典賣照侵占

盜賣官田例罪之又奏竈丁之有餘鹽猶農人之有餘粟

無惑乎其私鬻也故添引日以收勤竈之鹽但引目可添

而餘鹽不可革行鹽費用倍於正價故寧築大包聽掣利

餘鹽以補正項之虧折若革去餘鹽則商人無利今宜添

刷引目如兩淮正額七十餘萬引則每年添刷引目一百

五十萬其正額七十餘萬引仍以六分為常股四分為存

積商人報中常股正課還按舊價令其上納本色赴場支

領正鹽一引。許帶餘鹽一引。依原定價銀。就令承買。如正副之外。猶有餘者。依例割沒入官。若添刷一百五十萬引。每年盡數開邊。中正鹽一引。令其中新添者二引。新添者量減價銀一半。年豐上納本色。歲歉上納折色。領文赴運司。分撥鹽多場。分聽其自買。則在邊者開中既多。而倉儲自實。在場者收買既眾。而私販自銷。皆中一時利弊。又嘗捐俸助修學宮。以振文教。

曾紳。字習之。霍邱人。嘉靖己丑進士。嘉靖十三年任。陳遷。字大益。龍溪人。正德乙卯舉人。嘉靖十四年任。

謝少南。字應午。上元人。嘉靖壬辰進士。嘉靖十五年任。李乘雲。字子雨。鈞州人。嘉靖壬辰進士。嘉靖十六年任。陳讓。字原禮。晉江人。嘉靖壬辰進士。嘉靖十七年任。舒汀。字紹安。侯官人。嘉靖乙未進士。嘉靖十八年任。党承賜。字汝錫。忻州人。嘉靖壬辰進士。嘉靖十九年任。錢應揚。字俊民。餘姚人。嘉靖乙未進士。嘉靖二十年任。舊志

作嘉靖十年任。據山東志改。

郭廷冕。字秀文。文水人。嘉靖乙未進士。嘉靖二十一年任。裴紳。字子書。蒲州人。嘉靖戊戌進士。嘉靖二十二年任。歷

官都御史

楊九澤字子德華陰人嘉靖戊戌進士嘉靖二十三年任

盛唐字原岡嘉善人嘉靖戊戌進士嘉靖二十四年任

學題名碑錄作仁和人

張洽字文德山陰人嘉靖辛丑進士嘉靖二十五年任

王應鐘字懋復侯官人嘉靖辛丑進士嘉靖二十六年任

劉時進字子亨中牟人嘉靖甲辰進士嘉靖二十七年任

朱有孚字子貞海寧人嘉靖甲辰進士嘉靖二十八年任

趙鏜字仲聲江山人嘉靖丁未進士二十九年巡長蘆鹽

奏改黑土課米折價又請將深州海盈場內居住真定府

衡水縣等竈戶照例折色每引納銀一錢又疏言長蘆山

東二運司各場竈戶役費已繁竈丁雖屬運司名籍實在

州縣有司恒重民而賤竈畧無存恤妄加科派宜議除豁

行令各該撫按衙門申諭有司事在州縣即與從公分理

事在運司即與解人勘報如遇編審之年查實優免亦不

許竈丁兩相影射躲避身役竈甚德之

陳善治字時化巴縣人嘉靖丁未進士嘉靖三十年任

吳遵字公路海寧人嘉靖丁未進士嘉靖三十一年任

吳伯朋字惟錫義烏人嘉靖丁未進士嘉靖三十二年任
曹光字原實平湖人嘉靖丁未進士嘉靖三十三年任
馬斯臧字遠謨鈞州人嘉靖庚戌進士嘉靖三十四年任
王詠字于詩四川嘉定人嘉靖庚戌進士嘉靖三十五年
任

何大章海陽人嘉靖丁酉舉人嘉靖三十六年任

姜倣字君治南昌人嘉靖癸丑進士嘉靖三十七年任

陳瑞字孔麟長樂人嘉靖癸丑進士嘉靖三十八年任

劉志伊字可任慈谿人嘉靖丙辰進士嘉靖三十九年任

鄔懋卿豐城人進士嘉靖三十九年以副都御史總理四
運使鹽法

陳紀字仲理甌寧人嘉靖丙辰進士嘉靖四十年任

鄒應龍字雲卿長安人嘉靖丙辰進士嘉靖四十一年任

歷官兵部侍郎

陳萬言字道襄南海人嘉靖丙辰進士嘉靖四十一年任

馮善字可欲沙寧守禦千戶所人嘉靖己未進士嘉靖四

十二年任

李文績宜賓人嘉靖己未進士嘉靖四十三年任

王乾章東陽人嘉靖壬戌進士嘉靖四十四年任
劉翹內江人嘉靖壬戌進士嘉靖四十五年巡長蘆鹽隆
慶元年時私販過多引目壅積由東安永清來者則以進
鮮為名由青縣寶坻來者則以啖馬為名又糧船北行則
夾帶抵通州南歸則販賣抵臨清皆權貴勢力者高頓興
販巡鹽官兵束手逃避請行察治私販為之息

鍾繼英東莞人嘉靖乙丑進士隆慶元年任

龐尚鵬字少南南海人嘉靖癸丑進士隆慶二年春朝議
興九邊屯鹽尚鵬以右僉都御史與副都御史鄒應龍唐

繼祿分理尚鵬轄兩淮長蘆山東三運司兼理畿輔河南
山東江北遼東屯務抵昌平劾內侍張恩擅殺人兩淮巡
鹽孫以仁贓罪其秋應龍召還命尚鵬兼領九邊屯務疏
列鹽政二十事釅利大興諸御史督鹽政者以事權見奪
欲攻去之河東巡鹽邵永春劾尚鵬行事乖違落職汰屯
鹽都御史官後起撫福建卒諡惠敏
傅孟春字體仁高安人嘉靖乙丑進士隆慶三年任歷官
都御史

蘇士潤字惟德晉江人嘉靖乙未進士隆慶四年巡長蘆

鹽上言鹽貨周流猶菽粟之不可闕也。舊制計里撥引。官鹽疏通。其後責成不嚴於有司。告指復隨乎商人。孰肯舍近趨遠。棄豐就嗇。臣以為當復撥引之制。酌量人戶多寡。均撥引數。分為春秋二關。照依官制州縣次序。凡納過餘鹽商人。召集掣籤。挨名填撥。既週而復。不許隨其告指。及攙越增減。以啟規避。商領水程。照依撥去地方。盡數齎運。當官驗發。不許他處盜賣。及鹽引相離。以滋影射。仍責令巡鹽官。因其時之春秋。酌其地之遠近。為估價多寡。使彼此各得其平。每季將繳過引目填簿。並發過水程驗單。責

差吏兵賈比。如有縱容奸販。阻撓官鹽。及行引不如數。繳引不依期者。比照錢糧事例。許臣差滿之日。就事糾劾。以為玩肆者戒。又條奏六事。一各場殘鹽。無慮三十萬有奇。棄之可惜。而驟開之。反以病民。宜均派支之數。每歲召商開邊。各兼給殘鹽六萬餘引。期以六年而盡。派支之時。每引量免五十觔。以寬之。一先年量增鹽額五萬引。後又改派遼東。引目愈繁。阻塞愈甚。宜罷免。一正鹽私鹽。相為消長。正鹽既行。則宜苛為私鹽之罰。如歲課倍原額者。一切勿問。不及原額者。第以所虧多寡。以法繩之。一各運司皆

無鹽鈔諸稅。獨長蘆有之。且歲徵不過一百餘金。不足以裨縣官。而大困於竈戶。宜盡罷。仍禁戢官攢苛擾。以示寬恤。詔如議行。又奏。竈戶歲供白鹽。煎辦勞費。視黑鹽不啻數倍。乃復歲徵鈔貫。不知於義何居。請永予豁免。報可。竈困以甦。

盧明章字用晦。僊居人。嘉靖乙丑進士。隆慶五年。巡長蘆鹽。條陳鹽法六事。一。清理實籍。毋令竈產民產互相影射。一。禁戢私販。以通官課。一。申明分司春秋兩巡之法。一。嚴督行鹽地方。驗單銷繳。不得阻滯。一。蠲免長蘆利國等二

十四場白鹽脚價。一。御馬監歲用啖馬涼鹽。止許見買商鹽。不得交通私販。撓壞鹽法。報可。又以天津沿河一帶。裝運私鹽。多用小船。與經過之馬快官糧等船。又山東私梟。多在海豐等場。挾市陸販。奏請責成天津道。查懲窩頓。以塞弊源。一時稱快。

田子堅字茂甫。永寧人。隆慶戊辰進士。隆慶六年任。解學禮。安邑人。隆慶戊辰進士。萬歷元年任。

何汝成字子誠。蒲州人。隆慶辛未進士。萬歷二年任。

晏士翹字應望。新喻人。清江籍。嘉靖乙丑進士。萬歷三年

任。按太學題名碑錄。作晏仕翹。

雷嘉祥字和卿井研人。隆慶辛未進士。萬歷四年任。

敖鯤字化甫新喻人。隆慶戊辰進士。萬歷五年任。

朱璉字文卿新淦人。隆慶辛未進士。萬歷六年任。

高惟崧字景南廬陵人。舉人。萬歷七年任。

甘雨字應溥奉新人。萬歷丁丑進士。萬歷八年任。

曹一夔字子韶武岡州人。萬歷甲戌進士。萬歷九年巡長

蘆鹽疏言。長蘆竈地灘蕩與民地疆界混淆。糧差互派。議

令運司會同有司。將竈戶四項地畝。以黃竈二冊。並鹽法

志。先查明竈地灘蕩原額若干。新置民地名為竈產者若

干。率同里長鑊總。分別清丈。其鹽場坐落某處。見今實在

竈地灘蕩及附場離場之竈地。置買之民地。照頃畝區別

界限四至。與原額增減數目。每戶類為一總。如附場刮土

樵採煎曬去處。竈戶自行開墾成田。照例止辦鹽課。免其

雜派差徭。其零星地土。離場稍遠。與民居相雜。雖繫竈種。

照例辦納錢糧。應當馬頭等役。若民佃竈地。即納竈課。其

竈戶原買民地。仍轉賣與民者。徑行開入有司。納糧當差。

不得影射。彙造清冊三本。一存有司衙門。一存運司衙門。

一存巡鹽御史衙門。巡鹽御史奏報總數。仍造簡明冊送部。至各場有無官鍋。悉因鍋面大小。分別額徵多寡。地存則丁存。丁存則課存矣。又條議免重差。禁私煎。免積逋。買餘鹽除贓罰彙解。皆切中時弊。又以歲饑。請就於鹽法項下銀兩賑之。

林休徵。字景徵。莆田人。萬歷丁丑進士。萬歷十年任。

丁此呂。新建人。萬歷丁丑進士。萬歷十一年任。

黃師顏。字有發。南安人。萬歷甲戌進士。萬歷十二年任。

譚耀。字章伯。南海人。萬歷丁丑進士。萬歷十三年。巡長蘆。

鹽。其條約有四。一引目及水程驗單。法固詳密。而銷繳稽遲。夙弊如故。今後運司。凡遇掣過商鹽。納完課銀者。一面給發水程。一面申遞驗單。隨完隨發。不必彙齊。自長蘆發者。限六日。自山東發者。限十二日。違期提究。鹽到地方。所司即驗鹽包引目。程單相同。當堂填簿。其引仍給商照賣。賣完。掌印官即將程單。取具賣完甘結。封繳本院查銷。季終。仍差吏書赴比。若所司措勒商人。及不追繳引目驗單。致生他弊者。掌印官別議。巡鹽官吏。坐以贓罪。至於鹽包。通正餘沒官。共以六百觔為率。照例納沒官價銀一錢。此

外再多三十觔以上。委官嚴申究治。其沒鹽雖多。亦不必扣包更名。即明開每包共重若干。填註程單。給商運發。亦不許有司重複問罪。以滋商困。一。往時所司。有派散之弊。有挨賣之苦。派散者虐民。挨賣者困商。均非厚下之道。今後各屬。凡遇商鹽所至。不拘先後。責令經紀領商。照依時價。聽從貨賣。不許仍踵派散挨賣陋規。坐困商民。即有願減時價。利於速賣者。聽從其便。凡買鹽之人。仍取鹽商私記小票。若有鹽無票。六十觔以上。論罪。有司時加稽察。各商有無坐索高價。藉口阻滯。暗增私鹽。撓格齟政。一有弊

端。即時揭報。以憑重治。一。私鹽之禁。法律甚備。而奸徒敢恣行者。一由所司根究之不嚴。一由捕兵賞格之未立。如舟運必有渡越之關。陸運必有窩容之處。買時誰為牙秤。到埠誰為領分。皆可得而根究也。今後捕獲大夥鹽徒。問官一一查究。毋容漏網。其巡鹽兵快。不許朋本私販。暗抵季報鹽觔。亦不許賄放大夥。輕攘肩挑。希圖塞責。有司亦不許輒以肩挑鹽不滿百者。擬罪妄申。希圖悅上。每季終。衛州縣所巡司。將鹽觔文簿。照舊款開於何月日。在某處。獲某人鹽觔若干。贓物若干。逐一登填。另印花欄小紙。將

該季獲過鹽觔賣過商鹽繳過未完分數填註責該吏書同兵壯齎簿赴府巡鹽廳掛號限定日期赴院查比若官吏兵快人等有能用心緝捕鹽觔溢額至千觔以上者即將一半獎賞俱照數扣除然後申報巡鹽官與正官一併紀錄有能報首窩家搜出鹽物者即以鹽物賞之夫根究嚴則人知懲賞賚信則人知勸所司誠行之未有私鹽不絕國課不充者也。一四民之外惟竈丁為獨苦邇來逃亡日甚所司尤當倍加撫恤查得往年若場官假公橫斂若棍徒買單偽支若奸總倍收課價皆為竈丁大蠹各該司

官並宜矢心倡率毋縱場官擅意科派其循環查盤造冊工紙準於灘銀動支不得妄差一役下場騷擾仍出示曉諭凡商人到場領鹽須驗引單俱全方準支給如有單無引即係截買棍徒許竈戶扭拿赴司招報賣單商人一體究治至於全鹽場分不許奸總勒徵折色加倍侵收坐場虎棍毋得騙收寫遠人戶肥家累害總催違者盡法處治凡諸色弊竇望各司留心釐革所言皆一時之要

楊紹程字洛源岐山人萬歷癸未進士萬歷十四年任
劉應龍字文見邵陽人萬歷庚辰進士萬歷十六年任

龔雲致晉江人。萬歷癸未進士。萬歷十七年任。周孔教字明行。臨川人。萬歷庚辰進士。萬歷十八年巡長蘆鹽條陳禁私窩。關引目。緝私鹽。查竈糧。復屯鹽。諸款皆善政也。

黃卷字汝通。永康人。萬歷丁丑進士。萬歷十九年巡長蘆鹽。請建運學。又議正鹽之法。掣出鹽觔多至四十觔者。納銀一錢。過六百觔以上者。引鹽銃毀。又疏請將昌平等七處引鹽。仍由商運。每引照納牙稅銀二分一釐六毫。小餘鹽銀五毫。隨商發運。其法甚善。

彭好古字伯錢。麻城人。萬歷丙戌進士。萬歷二十年巡長蘆鹽。條議沒鹽賣價虧本。請仍舊例。四十觔納銀一錢。又以昌平等七處引目。赴京查挂。耽擾未便。請將引鹽牙稅。並小餘鹽。運司收解。稅單徑給各商。赴各州縣賣畢。同引通繳解部。盡革牙行打卯等項。大益於商。

姚思仁秀水人。萬歷癸未進士。萬歷二十一年巡長蘆鹽。以長蘆災。請支宛大二縣。備賑銀二千兩。濟之。因解額虧欠。請割沒鹽觔四十觔外。再量加四十觔。亦納銀一錢。又以青州產鹽數多。同知官階四品。法令易行。滄州產鹽數

少事簡判官不難催辦請將兩分司所轄地方並印務交相更調從之又請於直沽口設船索攔江委官驗放引鹽至今為例

徐元正字景文太倉州人吳縣籍萬歷丙戌進士萬歷二十二年巡長蘆鹽條奏清查竈地俾竈無派民差民無侵竈地即竈戶開墾地畝附近各場應納糧稅者聽場官徵解州縣不得侵越及僉派差役今越支場尚有碑紀其事馮從吾長安人萬歷己丑進士萬歷二十三年任畢三才字誠叔貴溪人萬歷己丑進士萬歷二十四年巡

長蘆鹽議除進京交納白鹽堆垛稱收抑勒賠累諸弊又建天門書院以育人材吏科給事中楊廷蘭為之記

俱祺雲南臨安衛籍江南潁州人萬歷乙未進士萬歷二十六年任

吳達可字叔行宜興人萬歷丁丑進士萬歷二十七年巡長蘆鹽歲祲繪上饑民十四圖力請賑貸時通灣稅使馬堂張日華議加挨單鹽稅奸商妄稱嘉靖中大同用兵貸其貲二萬六千金明史作三萬六千金請於鹽課補給戶部許之達可抗爭事得已其自為省垣存稿序曰國家鹽筴置立都

轉運司出納運籌。憲使者以時巡察。大司農主計而受成焉。法顧不嚴且重。與邇年官司失職。巡察稍寬。國計往往告匱。掌銓者心竊隱憂。亟上鹽政條議。斬以不次之擢。旌異運長之廉能者。以風勵官守。蓋慎之也。余蒙恩起家。奉簡命視鹺蘆東。歲之庚子。巡歷燕齊趙魏諸封疆。時商民方苦於東征加餉。疲累不支。而又重以權使加稅之擾。幾不堪命矣。藉有山陰何君為轉運使。君清貞潔操。有古琴鶴風。而持籌國計。尤非硜硜拘曲者所及。一時商民重倚賴焉。余所上封事。大都東虛集議。祛弊窮奸。一反權使之

奏而釐正之。即詔旨久羈。未經部覆。君劑量其間。上以輸國課之急。而下以拯商民之阨。庶幾昔人所稱三難哉。一日余檢閱司誌。題稿闕然。默計他處所有。蘆東獨無。非曠典乎。因命司計吏亟上都門。取省垣存藁繕書之。先後凡得疏稿若干篇。並余疏議付之剞劂氏。上下數十年間。鹽政履歷。一開卷而矚目無餘。集已告成。余因掇言弁首。俾後之司鹽課者。稔知余兩人擘畫之艱。兢兢不敢負朝廷任使之意。則斯集不徒以文傳爾。歷官通政使。卒贈右副都御史。

馮應鳳字邦瑞山陰人萬歷庚辰進士萬歷二十九年巡長蘆鹽時奄官用事有內監陳增將山東候掣未銷之引三十餘萬指為餘積上請變價已奉旨允行應鳳力疏爭之乃已又嘗諫罷礦稅章凡三四上皆極剴直

余懋衡字持國婺源人萬歷壬辰進士萬歷三十二年任葉永盛涇縣人萬歷己丑進士萬歷三十三年任

李應魁內江人萬歷甲辰進士萬歷三十六年巡長蘆鹽疏言長蘆引之積始於鹽之不通蓋南北二十場分隸兩所司官如嚴鎮一場去北所較遠運脚倍於鹽價遂至該

場煎曬苦於無售轉售販夫場民逃亡私販日熾額課日虧查該場赴南所甚近脚價減半請改隸南分司不惟竈鹽得售私販可止庶商民兩便鹽引得通從之

畢懋康字孟侯歙縣人萬歷戊戌進士萬歷三十七年巡長蘆鹽條陳鹽法六事一蠲浮稅以甦商困一芟洵賊以通鹽運一嚴捕獲以絕私販一重監收以恤貧竈一更坵規以釐宿弊一嚴考核以專責成又以畿輔河渠多湮廢不治上言宜修復湯家口清楊上下二閘漕臨德二倉粟二十萬石餉保定易州紫荆諸軍詔皆從之歷官兵部右

侍郎

馬孟貞字泰符桐城人萬歷戊戌進士萬歷三十八年任歷官太僕少卿

潘之祥字伯和婺源人萬歷戊戌進士萬歷四十年巡長蘆鹽四十二年條陳六事一防沿河之夾帶請於德州臨清東昌濟寧等處委巡河巡鹽官嚴加搜緝如有夾帶事發拏究船戶查究前途疎縱等官不得濫及坐船官民坐船者可以不必庇護一嚴營軍之私販寶坻小直沽產鹽去處迫近燕城各營軍士往往挾持弓矢刀劍百十成羣

馱載私鹽巡緝人役稍一撞遇便遭劫殺及至緝拏營官往往庇護請令通州等處參將守備等官協力緝捕如有緝獲數多照例紀錄倘至失事與州縣一體參究一禁商民之影射舊例一引餘鹽割沒包索共五百六十觔又以邊餉不足加添八十觔又帶一十觔乃復朦朧影射至百十餘觔者自後掣官務加嚴謹秤掣之時逐包盤驗有夾帶數多照例問遣至於滄沒引鹽告稱補掣尤為弊叢此在有司臨時查訪毋得輕信給照以墮奸計一止商人之開引長蘆山東共鹽四十六萬八千三百餘引近年按引

掣鹽徵銀濟邊卒致壓欠近來邊餉闕乏奸民乘機中以加引濟邊之說其實邊未必濟而民坐困舊積之引已難疏通又加以新開之引其何濟乎宜相其地而行之擇其人而使之又奏言頃戶部奏頒考成例能者獎不能者罰鹽政犁然舉矣據司道冊報應薦者不下二百餘人而直隸順天等處按臣薦額三十九員正定等處按臣薦額三十七員山東按臣薦額四十五員河南按臣薦額五十六員通計一百七十七員臣於直隸山東全轄河南管轄四大郡又有兩運官南直隸七州縣官職繁夥循良累積舊

鹽臣止薦一百八員則四按臣所薦為臣所遺者尚多也請稍加薦額使臣得酌其材品以獻

牟志夔字用一南溪人萬歷甲辰進士萬歷四十三年任李徵儀廣德人萬歷辛丑進士萬歷四十五年任

倪應春桐城人萬歷丁未進士萬歷四十七年任

郭如楚晉江人萬歷丁未進士泰昌元年巡長蘆鹽天啟元年疏請增二萬引掣行開封二十三州縣引納銀四錢增四萬五千引行正順彰輝等府每年掣三萬引引納銀二錢俱納新庫仍各一例追徵餘沒共一萬五千引增引

不增掣存運司備轉轂之用。免告照之端。引先納銀二錢。歲共銀三千兩。解充遼餉。遇三年清理一次。報可。

李時榮。華亭人。萬歷丁未進士。天啟二年任。

劉芳。渭南人。萬歷丙辰進士。天啟三年任。

李元。同州人。萬歷丙辰進士。天啟四年任。

帥眾奉新人。萬歷丙辰進士。天啟五年任。

喻思恂。豐城人。萬歷丙辰進士。崇禎三年任。

運使

初定為河間。長蘆都轉運使。永樂中省河間字。

鄧崙。字仰止。武陵人。永樂甲辰進士。正統六年任。

金達。字復顯。鄆縣人。以父忠蔭檢討。景泰二年任。歷官禮科都給事中。

嚴敬。字行恕。公安人。永樂辛丑進士。天順二年任。

按太學題名碑

錄作歸安人。

龔敷。字惟學。邵武人。正統丙辰進士。成化元年任。

虞廷璽。字宗玉。南鄭人。正統己未進士。成化二年任。

焦鈇。字汝礪。葉縣人。正統戊辰進士。成化八年任。

樊英。字世傑。臨潼人。景泰甲戌進士。成化十四年任。

陶璽。字朝信。絳州人。天順甲申進士。宏治二年任。

宗鉞字廷威宜興人成化戊戌進士宏治八年任

陳倫字天敘岐山人成化乙未進士宏治十二年任

趙亮采字有邦齊河人成化甲辰進士宏治十五年任

張正字國興平度人成化辛丑進士正德元年任歷官按

察使

邢霖字時望襄陵人成化丁未進士正德二年任

童瑞字世奇犍為人宏治庚戌進士正德三年任歷官工

部尚書

楊遜字廷珮原武人宏治庚戌進士正德六年任遷參政

劉繹字以誠代州人宏治丙辰進士正德八年任

劉思賢字用賓石首人宏治丙辰進士正德十三年任歷

官工部侍郎祀名宦

徐金陵字廷鎮常山人正德戊辰進士嘉靖二年任遷參

政

徐問字用中武進人宏治壬戌進士嘉靖六年任歷官兵

部侍郎

東漢字希節華州人進士嘉靖七年任

黃希英字如英莆田人宏治乙丑進士嘉靖十年任

按太學題

名碑錄作黃如金。

郭五常字大經西平人正德辛未進士嘉靖十一年任

宋鉞字德威武定人正德辛未進士嘉靖十三年任

王光霽字謙甫商州人正德丁丑進士嘉靖十四年任

陳雲松字子材盱眙人官生嘉靖十五年任遷陝西行太

僕寺卿

邵相字立之澤州人舉人嘉靖二十年任歷官左布政祀名宦

王訪字于宣奉化人嘉靖癸未進士嘉靖二十五年任歷

官南京工部尚書

張定字子靜代州人舉人嘉靖二十五年任歷官參政

陳堯字敬甫江南人嘉靖乙未進士嘉靖二十八年任歷

官南京刑部侍郎祀名宦

方舟婺源人嘉靖己丑進士嘉靖三十三年任

林汝永字君脩莆田人舉人嘉靖三十四年任

周載麻城人舉人嘉靖三十七年任

陳全之字粹仲閩縣人嘉靖甲辰進士嘉靖三十九年任

歷官右參政

杜棟字孔材即墨人嘉靖癸丑進士嘉靖四十三年任祀名宦

紀鳴鳳字明瑞榆林衛人嘉靖庚戌進士嘉靖四十四年任按太學題名碑錄作紀鳳鳴

張守蒙字啟哲滕縣人嘉靖甲辰進士隆慶元年任

方啟參字叔前巴陵人舉人任河東運使乞休隆慶二年復以部院會薦起用

楊守讓長沙人官生隆慶四年任

李鍵字廷守縉雲人嘉靖丙辰進士隆慶五年任

張廷臣字伯鄰番禺人嘉靖壬戌進士隆慶六年任

邢邦字維翰臨清人嘉靖己未進士萬歷二年任遷右參政

潘良貴字汝思神武左衛籍嘉靖己未進士萬歷七年任

高世雨字原化原武人隆慶戊辰進士萬歷八年任遷陝西行太僕寺卿

許天贈字德夫黔縣人嘉靖乙丑進士萬歷十二年任遷山東左參政

李燾字若臨河源人隆慶戊辰進士萬歷十三年任遷廣

西右參政

蔡斗移字元運。蘄水人。萬歷丁丑進士。萬歷十七年任。姜奇秀字孟穎。監利人。隆慶辛未進士。萬歷十九年任。阮尚賓。太和人。隆慶辛未進士。萬歷二十年任。

何繼高字汝登。山陰人。萬歷癸未進士。起家郎署。出守衛輝。調臨江。再調福州。二十二年。詔推擇郡守廉幹者。為運使。遷長蘆運使。繼高性廉潔。秉憲持正。任事無所避。運司例給商布價三千餘金。故事僅取空券。繼高無所染。邊商開中限甚嚴。往以六月始得引。又值農時霖潦。運費倍於

常。繼高趣部倉勘。以三月至。給引以九月。歲省十萬金。通灣天津二大璫。奏請加稅。設巡鹽指揮使。將以侵其權。繼高令商鬻鹽。每值一兩。稅三分。解權使指揮使。第邏私販。毋與商市。商無所擾。舊引額十七萬。課十二萬。到官三年。增引課皆倍之。以不修餽遺。計部劾運使逋課者三。而繼高其一。會時以舟師援朝鮮。借商船。繼高乃雜引行鹽。引目三事。具其所徵數上之。部臣慚而銜之。適鋪宮用亟。徵掃蠹進奉。既發。復趣具五萬金。犒援師。期五日不至。以軍法論。羣商感繼高德。爭豫輸課。如期具。部臣無以難。又覓

州城以捍剽竊創天門書院以廣學徒歲饑為粥以食餓者四閱月全活無算詳定領解鹽課之規例劑秤掣鹽觔之輕重皆實有裨於商嘗以倭事方張及播百跋扈疏請願身備行伍不報以忤權貴八年不遷後量移江右參政去祀名宦去後凡三十九年商竈思其德不忘為建專祠肖像以祀之

瞿汝稷常熟人官生萬歷三十四年任有惠政去任後商建祠祀之

陳啟孫字承儒餘姚人恩生萬歷四十年任

張雲翼山西太平人萬歷戊戌進士萬歷四十二年任有惠政遷雲南參政去任後商為立祠

韓初命字康侯掖縣人舉人萬歷四十七年任遷天津督餉參政

吳從誠字形衷潛江人舉人天啟二年任遷雲南參政
孫鳳翔字鳴岐陽信人舉人天啟四年任遷雲南參政
楊夢熊字兆賢聞喜人舉人崇禎元年任

韓應龍字仙室光化人舉人崇禎十年由長蘆運同任

運同

駐滄州轄南所各場萬歷二十一年改為青州分司轄北所各場

呂棠。濟寧人。永樂乙未進士。正統七年任。
童孟韜。正統八年任。

姜榮。字仁甫。餘姚人。成化丙戌進士。成化十一年任。

張本。字孟端。錢塘人。成化乙未進士。成化十二年任。

李昊。字志遠。崑山人。成化己丑進士。宏治二年任。

馮忠。字原孝。慈谿人。成化戊戌進士。宏治六年任。

李仲璧。莆田人。舉人。宏治十一年任。

李紀。字用修。江都人。成化丙戌進士。宏治十五年任。

徐文英。字景華。西平人。成化丁未進士。正德元年任。

劉昂。字子永。宛平人。舉人。正德五年任。遷鳳翔知府。

杜槃。字碩人。山西人。舉人。正德九年任。

周霖。字希說。乾州人。宏治丙辰進士。正德十四年任。

祝壽。字仁甫。歷城人。正德戊辰進士。正德十六年任。歷官

右布政使。

潘時。字子中。貴州人。舉人。嘉靖三年任。遷太平知府。

范總。字半甫。樂平人。正德丁丑進士。嘉靖五年任。歷官兵

部侍郎。按太學題名碑錄作范總。

張秉正。字守之。三原人。舉人。嘉靖七年任。

李渾字子源。慈谿人。正德甲戌進士。嘉靖八年任。歷官兵部侍郎。

冷宗元字體仁。榮昌人。舉人。嘉靖十一年任。按明史藝文志有冷宗元

長蘆鹽法志七卷

張國紀字崇禮。上海人。舉人。嘉靖十四年任。

高廷璋字宗器。臨潼人。舉人。嘉靖十四年任。

溫志敏。嵐縣人。監生。嘉靖十七年任。

蕭珩。兗州護衛籍。舉人。嘉靖十八年任。

李光祚。高密人。官生。嘉靖二十年任。遷思南知府。

孟汝濬字子哲。蒲州守禦所人。舉人。嘉靖二十三年任。遷鳳翔知府。

吳江字道南。豐城人。舉人。嘉靖三十年任。遷福建運使。

趙繼孟字宗之。澤州人。嘉靖乙未進士。嘉靖三十二年任。

遷夔州知府。

盧鳳儀字應和。大理衛籍。舉人。嘉靖三十四年任。

劉希召字汝翰。衛輝守禦所官籍。舉人。嘉靖三十五年任。

袁鑑字慶韶。揭陽人。舉人。嘉靖三十七年任。

辛烜然字養晦。石州人。嘉靖戊戌進士。嘉靖三十七年任。

胡文孚字孺中休寧人舉人嘉靖四十一年任

袁株興化人舉人嘉靖四十二年任遷吉安知府

曾子欽字宗堯泰和人舉人嘉靖四十三年由南京工部
郎中任遷思恩知府

楊侃字直夫營山人隆慶元年任遷曲靖知府

沈志言字子謨海寧人嘉靖癸丑進士隆慶二年由寧國
知府任

王輦字子侍定遠人嘉靖壬戌進士隆慶三年任遷曲靖
知府

胡景字子昭定遠人舉人隆慶六年任

朱擢字徵庸渭南人嘉靖己未進士萬歷元年任遷鄖陽
知府

張蘊道字君聘寧鄉人嘉靖己未進士萬歷二年任

江珽字子際仁和人官生萬歷三年任

汪昌齡字德文婺源人官生萬歷四年任遷廣南知府

張汝諧烏程人官生萬歷七年任

趙方立字貞甫蓋屋人舉人萬歷十一年任

朱一柏寧國人舉人萬歷十四年任遷慶遠知府

王維藩信陽人恩貢萬歷十六年任

霍鍾瑜字汝需孝義人官生萬歷十七年任

俞嘉言餘姚人隆慶辛未進士萬歷二十年任遷高州知府

陳九功新建人舉人萬歷二十一年任遷貴陽知府

張文奇長洲人萬歷丁丑進士萬歷二十五年任遷貴陽知府

馮學易字韋卿臨海人舉人萬歷二十七年任

劉一瀾臨川人萬歷癸未進士萬歷三十五年任

楊嘉猷字元忠懷遠人舉人萬歷三十七年任遷鎮遠知府

商文昭漳浦人萬歷乙未進士萬歷四十年任

燕汝靖字啟宸介休人舉人萬歷四十一年任

葉梗字貞父慈谿人舉人萬歷四十二年任遷都勻知府

李時茂萬歷四十四年任舊志未載

葛仁義字無懷鄞縣人舉人天啟元年任

韓應龍字仙室光化人舉人天啟五年任

潘元勳字德昌重慶人舉人天啟七年任

運判

駐青州轄北所各場萬歷二十一年改為滄州分司轄南所各場

段駢正統六年任

紀惟仁成化元年任舊志未載

單教原武人舉人正德元年任

戴琥莆田人舉人正德七年任

尚恭陝州人監生正德十二年任

李應正儀封人舉人正德十三年任

呂繪崑山人舉人嘉靖二年任遷袁州通判

韓義蒲臺人監生嘉靖九年任

徐官字伯賢蕭山人正德丁丑進士嘉靖十二年任

周正仁壽人嘉靖十三年任

江燦績谿人監生嘉靖十四年任

牛兆祥武功人舉人嘉靖十六年任

王齊上蔡人舉人嘉靖十八年任

張鼎荆門人嘉靖二十一年任

汪九仞貴池人官生嘉靖二十六年任

張時奇臨潁人嘉靖二十八年任

邵欽仁和人監生嘉靖三十五年任

陳謨字司嘉平湖人貢生嘉靖三十七年任

劉瑞字朝儀長洲人官生嘉靖四十一年任遷歸德通判

周士佐字汝良餘姚人嘉靖甲辰進士嘉靖四十三年由

南京禮部郎中任歷官山東僉事

施堯臣字欽甫青陽人嘉靖庚戌進士嘉靖四十三年由

吏部郎中任遷廣東副使

徐中行字子與長興人嘉靖庚戌進士嘉靖四十四年由

汝寧知府任歷官江西左布政

阮自嵩字惟中桐城人嘉靖丙辰進士嘉靖四十五年由

戶部主事任遷滄州知州

潘子霓字望甫蔚州人嘉靖癸丑進士隆慶元年由戶部

員外郎任遷深州知州

晉應槐山西人舊志在潘子霓後不著何年任

崔梧字朝陽靈川人舉人隆慶四年任遷荆府審理正

王德音字伯宣安化人舉人萬歷元年由南京戶部主事

任

章仲京字伯華會稽人監生萬歷二年由中書舍人任

屠謙字子益秀水人隆慶戊辰進士萬歷六年由南京太

僕寺丞任

胡頌字占文金華人恩貢萬歷八年任

崔應奎字文甫泌陽人恩貢萬歷十一年任

劉選宜春人恩貢萬歷十四年任

宋子春乾州人恩貢萬歷十六年任

陳明吾山陽人選貢萬歷十八年任

喻效龍當塗人舉人萬歷十八年任

曾輝贛州人監生萬歷二十一年任

嚴自明河津人歲貢萬歷二十二年任

尹作賓寧羌衛人舉人萬歷二十三年任

裴應坤字簡卿貴溪人舉人萬歷二十七年任

黃應瑞寧海人恩貢萬歷二十九年任

閔遠慶字基厚烏程人萬歷丙戌進士萬歷三十一年由

四川僉事任

朱默字德夫溧陽人舉人萬歷三十二年由汝寧同知任

許柳字子盛固始人監生萬歷三十五年任

史繼表溧陽人監生萬歷三十七年任

賀聖瑞獲嘉人萬歷己丑進士萬歷三十九年任

魯史字聖修餘姚人萬歷甲辰進士萬歷三十九年任
楊學臯字叔登樂安人選貢萬歷四十一年由高州同知
任

李泰字岱東承新人例貢萬歷四十二年由廣東鹽課司
正提舉任

李一驥字千里新建人例貢萬歷四十四年由汝寧鹽課
司正提舉任

仇時古字叔尚曲沃人萬歷戊戌進士萬歷四十五年由
西安知府任

袁夢吉成山衛人選貢萬歷四十六年任

鄭安民字心綸縉雲人舊志在袁夢吉後不著何年任

郭慶年富順人舉人天啟三年任

孫宗稷豐城人選貢天啟四年任

王觀光上海人選貢天啟七年任

黃宗楫字與鷗即墨人選貢崇禎元年任

余向葵字衷白平湖人崇禎十年任

經歷

劉讓正統元年任

蔣能 正統三年任

袁寧 正統六年任

羅祥 成化八年任

林叢 成化十一年任

朱童 成化二十二年任

張輔 宏治十五年任

荀文質 宏治十八年任

蔣翱 正德六年任

曹銓 正德七年任

郭璽 正德十二年任

王世臣 泰州人 嘉靖二年任

張希韓 膚施人 嘉靖十二年任

松冕 六合人 監生 嘉靖二十年任

楊應元 平湖人 監生 嘉靖二十二年任

劉緯 延州人 監生 嘉靖二十七年任

甯尚鼇 蒲州人 監生 嘉靖四十年任

龍躍 萬載人 監生 嘉靖四十三年任

林官 仙遊人 都吏 隆慶四年任

馬萬會稽人。監生。隆慶六年任。

祝宗文黃岡人。舉人。萬歷二年任。

萬士正宜興人。歲貢。萬歷三年任。

孫岱霍山人。歲貢。萬歷五年任。

葉祖堯臨安人。萬歷丁丑進士。萬歷八年任。遷永定知縣。

嚴丕式汝陽人。恩貢。萬歷十年任。

梁宜生鄆城人。萬歷庚辰進士。萬歷十一年任。

陳宗堯高淳人。選貢。萬歷十二年任。

黎塾京山人。舉人。萬歷十三年任。

柳明臨清人。舉人。舊志在黎塾後。不著何年任。遷永平通判。

李煜朝邑人。舉人。舊志在柳明後。不著何年任。遷兩淮運

朱道相萬安人。萬歷己丑進士。萬歷二十年任。遷温州推官。

關沛南海人。舉人。萬歷二十六年任。

葉方嘉麗水人。監生。萬歷二十八年任。遷楚雄府經歷。

賽維垣靖海衛人。選貢。萬歷三十年任。遷池州通判。

徐域宜興人。監生。萬歷三十二年任。遷雲南都司經歷。

翁紹點福清人。監生。萬歷三十四年任。

尹大復。上虞人。監生。萬曆三十六年任。遷泰州同知。

劉泉。攸縣人。選貢。萬曆三十九年任。

姜文聘。定南人。監生。萬曆四十年任。

何京。內江人。舉人。萬曆四十年任。

姚登用。秀水人。選貢。萬曆四十六年任。

鄭慶霖。閩縣人。天啟元年任。遷南京武德衛經歷。

胡熒。山陰人。監生。天啟五年任。遷楚雄府經歷。

趙重輝。雒陽人。貢生。天啟七年任。遷山西都司經歷。

教祐。高安人。崇禎三年任。遷太平通判。

周應元。崇禎十年任。

知事

李澄。宏治十八年任。

梁仲昂。正德七年任。

劉鑿。正德十年任。

張志。正德十四年任。

毛誥。鄆縣人。嘉靖元年任。

陸文榮。嘉靖十年任。

王廷相。掖縣人。嘉靖十五年任。

張廷珍武城人嘉靖十八年任

馬策會稽人嘉靖二十年任

馬堯讓會稽人嘉靖二十一年任

姚燦鄞縣人嘉靖二十三年任

党廷富平人嘉靖二十七年任

包大中鄞縣人嘉靖三十年任

李瑤高平人監生嘉靖三十四年任

陳朝用掖縣人嘉靖三十四年任

張垣定海人嘉靖三十五年任

李嘉謨舊志在張垣後不著何年任

韓煥餘姚人儒士嘉靖四十年任

白輅蓬萊人嘉靖四十三年任

方炬新城人監生隆慶元年任

殷煥然東莞人儒士隆慶三年任

胡承顏餘姚人萬歷元年任

李楨慶陽人隆慶辛未進士萬歷四年由御史降任

韓繼榮蕭山人儒士萬歷五年任

章元會稽人儒士萬歷八年任遷南陵縣丞

陳應武。安寧所人。吏員。萬歷十一年任。
傅履禮。南安所人。吏員。萬歷十二年任。

王紹祖。靈臺人。歲貢。萬歷十五年任。

朱朝龍。字仲甫。黃岡人。舉人。萬歷十七年任。

劉明梧。鄰水人。恩貢。萬歷十九年任。

黃恩元。寧化人。吏員。萬歷二十一年任。

強思。萬歷二十四年任。

江天然。舊志未載。

張守身。永嘉人。舉人。萬歷二十五年任。遷吳橋知縣。

張齡。華亭人。選貢。萬歷二十八年任。遷慶雲知縣。

王穆。龍溪人。萬歷三十一年任。

王宗魯。曲靖人。選貢。萬歷三十二年。由安慶通判任。

鍾瑞。黔陽人。吏員。萬歷三十六年任。

陳九級。新昌人。舉人。萬歷三十九年任。

羅良策。順德人。舉人。萬歷四十二年。由南京刑部主事任。

遷南錦衣衛經歷。

張企之。山陰人。萬歷四十四年任。遷高郵衛經歷。

何顯宗。德州人。萬歷庚戌進士。萬歷四十七年。由遵化知

縣任遷定襄知縣

李上林。錢塘人。吏員。天啟元年任。

周用正。會稽人。監生。天啟四年任。遷宜興縣丞。

章魁。會稽人。監生。天啟七年任。遷滁州衛經歷。

馬福謙。南充人。舉人。崇禎二年任。

王二典。崇禎十年任。



